

全唐文

卷四百零八之四百六十

陸贄	樊光	柳潤之	楊歸裕	侯上卿	高仲武	韓章	宋少真	張參
李江	胡運	權軼	成賁	任公叔	聿相	梁乘	李道昌	李巡
王延光	杜確	李昕	史藏用	崔淙	李季卿	李仲雲	裴孝智	李道昌
齊嵩	杜萬	宇文賞	魏季龍	崔璿	李竦	林珉	裴孝智	裴孝智

竹居攷廬

欽定全唐文卷四百五十八目錄

張參

李外五經文字序例

李巡


浮屠頌

李道昌

祭幽獨君文

裴孝智

文宣王廟新門記



宋少真

對聚徒教授判

梁乘

對祭闕頒誥判

對毀壞壓死判

對復以冕服判

李仲雲

對四品女樂判

林琨

文卷四百五十八目錄

駕幸溫泉宮賦

象賦

空賦

對損戶繭絲判

韓章

請停新任官復赴集疏

韋翹

仙都山銘

李季卿

三墳記

拙先塋記

李竦

偃武修文論

高仲武

大唐中興間氣集序

紀蘇渙文

蘇頌

蘇幸顯泉宮頌

欽定全唐文卷四百五十八

張參

參大厯朝官戶部郎中厯國子司業

五經文字序例

易繫辭曰上古結繩以理後代聖人易之以書契百官以理萬人以察蓋取諸夬夬決也王庭孚號決之大者決以書契也逮周禮保氏掌養國子以道教之六書謂象形指事會意諧聲轉注假借六者造字之本也雖蟲篆變體古今異文離此六者則為謬惑矣王者制天下必使車同軌

書同文故教人八歲入小學文有疑者則必闕而求之春秋之末保氏教廢無所取正各遂其私故孔子曰吾猶及史之闕文也今亡矣蓋夫子少時人猶有闕疑之間後亡斯道歎其不知而作之也蕭何漢制亦有著法太史試學童諷書九千字乃得爲吏以六體試之吏人上書字或不正輒有舉劾皆正史遺文可得焯知者也劉子政父子校中秘書自史籀以下凡十家序爲小學次於六藝之末後漢許叔重收集籀篆古文諸家之學就隸爲訓注謂之說文時蔡伯喈亦以滅學之後經義分散儒者師門各滯所

習傳記交亂訛僞相蒙乃請刊定五經備體刻石立於太
學之門外謂之石經學者得以取法焉遭離變難僅有存
者後有呂忱又集說文之所漏畧著字林五篇以補之今
制國子監置書學博士立說文石經字林之學舉其文義
歲登下之亦古之小學也自頃考功禮部課試貢舉務於
取人之急許以所習爲通人苟趨便不求當否字失六書
猶爲壹事五經本文蕩而無守矣十年夏六月有司以職
事之病上言其狀詔委國子儒官勘校經本送尚書省參
幸承詔旨得與二三儒者分經鉤考而共決之互發字義

更相難極又以前古字少後代稍益之故經典音字多有

假借

謂若借后為後辟為避大為太知為智之類經典通用

陸氏釋文自南徂北徧

通眾家之學分析音訓特為詳舉固當以此正之

唯今文尚書改

就今字刪定月令依其時進本與釋文音訓頗有不同

卒以所刊書于屋壁雖未如

蔡學之精密石經之堅久慕古之士且知所歸然以經典

之文六十餘萬既字帶惑體

若鼎冪同物禮經相舛為遠同姓春秋互出話故同義詩

題交錯之類

音非一讀

若鄉原之鄉為嚮取材之材為哉兩音出於一家而不決其當否

學者

傳授義有所存離之若有失合之則難並至當之餘但未

發其傍而已猶慮歲月滋久官曹代易儻復蕪汙失其本

真乃命孝廉生顏傳經收集疑文互體受法師儒以為定

例凡一百六十部三千二百三十五字分為三卷說文體

包古今先得六書之要若古文作明篆文作𠄎古文作坐篆文作𠄎之類古體經典通行不

必改而有不備者求之字林若桃禰逍遙之類說文其或

古體難明眾情驚懵者則以石經之餘比例為助若宜變為宜晉

變為晉之類說文宜晉人所難識則以石經遺文宜與晉代之石經湮沒所存者寡通以

經典及釋文相承隸省引而伸之不敢專也若舊變為壽

類石經湮沒經典近代字樣多依四聲傳寫之後偏傍漸

失今則采說文字林諸部以類相從務於易了不必舊次

自非經典文義之所在雖切於時畧不集錄以明為經不為字也其字非常體偏有所合者詳其證據各以朱字記之俾夫觀省無至多感大厯十一年六月七日司業張參

序

李巡

巡與張參齊名時相李勉辟為判官甚敬禮之

浮屠頌

崇構邈矣層甍巋然疑如玉立默若雲連仰顏滿月危踐

中天上標銀榜下列金僊扶持有助陵谷無遷

李道昌

道昌大歷十二年官蘇州觀察使

祭幽獨君文

嗚呼萬古邱陵化無再出君是何人能閑詩筆何代而亡
誰人子姪曾作何官是誰仙室寂寞夜臺悲乎白日不向
紙上石中隱出桃源三月綠草垂楊黃鶯百轉猿聲斷腸
不題姓字寧辨賢良嗚呼痛哉嘆惜先賢空傳經史終無
再還青松嶺上嵯峨碧山

裴孝智

金定全唐文 卷四十八
孝智大歷八年官祠部員外郎兼侍御史

文宣王廟新門記

成域中之大歸天下之往曰王王者應歷以宰物酌時以
觀化威聲雷霆號令風雨不嚴人理合自然之運不行家
至契如神之速德叶協於幽明道徜徉於古始無爲無事
其大矣哉洎乎澆淳既變仁義斯起偃息庠序棲遲洙泗
憲章萬物之首馳騁百王之末清頽波於幽厲扇儒術於
殷周故春秋作而亂賊懼風興刪而廉恥生美韶濩而涼
澁之音息行揖讓而莊敬之心勸夫子聖者歟名與日月

同流業與乾坤終始隱焉而光闇然而彰命服袞裳累代

稱王曲阜聖人之鄉也先是闕宮霞蔽正殿岑立繚以環

堵邃其臺門魏若化造嶷如闕一動允所謂淹中之勝槩

闕里之全模刺史孟公休鑒德潤尊師道肥希聖研精百

代闕三言夜火非官曹之燭春桑無附枝之詠判官郡功

曹盧曠以文發身以清檢物博通闕三數四科惟此祠廟

厥初層構朱戶半傾雕甍中落難名之閭奧造次可游如

在之闕四易覩將何以克恭過位加敬及庭於是孟公首

之盧公翊之因命縣大夫兼大闕五裴公新其南門書時

也公名有象育元含貞廣學攻文始登甲科吏於舒舒人

字闕五等吏於充充人悅服蓄可大之用為致遠之資由是

庀乃程具乃役不斬仲闕六山之石償以石而給功不時

而就大屋橫亘雙扉洞開丹拱繡栴膠葛固闕七景飛檐

駢逼而棲霧烏鏞既固享獻聿修官吏惟清肅之謹邑人

無褻瀆闕七字 席及階而升數仞之牆由戶而入君子以為

非孟公之化不行非盧公之闕八字 不成三事叶同闕一底

於善孝智不敏儒家之流徒挹春秋舍菜之禮闕九字 誌不

之文俾刊永貞之石時大歷八年十二月一日也

宋少真

少真大歷朝官侍御史

對聚徒教授判

甲聚徒教授每春秋享時以素木瓠葉爲俎豆
學以知道行以成德謂修己之不懈則化人而有孚甲括
習詩書佩服忠信談經不同於稷下請益其多強學頗類
於關西發蒙斯眾既聞講道亦見習儀且享以訓恭射則
觀德素木瓠葉足表獻酬之教桑弧蒿矢方昭揖遜之容
學不習而則落禮不行而斯壞刑而致詰何迷鄒魯之風

習以見尤其如城闕之刺祭遵施之於軍旅尚不云非劉
昆列之於家庭且未言失古則可據今何以疑所謂習不
違經學無廢業告人昧識徒效西鄰之責言在甲合儀請
遵東觀之故事

梁乘

乘代宗朝官倉部員外郎出為吉州刺史

對祭闕頒誥判

心其大賦所司有禮事不頒誥所由斷徒罪不伏

受福之祭固存乎肅恭出令以言實在乎頒告繫有司之

不腆乃事神而未達不能先備禮物預頌祀典存彼舊章
介茲景福雖自牖納約所貴齋心倘入廟未知將何措手
若也禮則斯缺人心匪虔信且未孚福將何有且祀有大
小罰有重輕大則合寘於刑徒小則宜從於笞坐須明大
小方辨重輕

合以刑對毀壞壓死判

無天敵其不然宜用刑

乙有所毀壞而誤死人科其備慮不謹訴合所
由不伏

奚有建立洎乎崩壞必慎傷人無致害物何哉主者會不

任能顧彼匠人豈因何巧既無備慮且乏周防遂昧立身
果貽誤殺事殊隙壞物異棖崩將壓有契於國僑不弔遂
符於戴禮況造作之與毀壞匠人之與主司著皋繇之書
合以所由為罪且人誰無死痛其不終宜用明刑以慰幽
壤

對復以冕服判

甲復以冕服御史糾其違失

祿秩之序貴有常尊凶喪之儀禮無越等已矣逝者魂兮
不來死實生哀歿西山於九夜招之望反將北面而三號

既而骨月復歸精魄無象宛其死矣則無不至且祭神不能如在神猶未饗復魂不似其服魂將奚依至若在館在家匪無名數公侯卿士實有彝倫小者則褕狄素紗諸侯乃衮衣冕服未詳甲也其位若何儻有土之公卿御史斯爲折角若食菜之鄉士甲也宜從噬膚

李仲雲

仲雲代宗朝官左司員外郎

對四品女樂判

乙有女樂一部御史按之云有任四品清官仰

處分

樂云鐘鼓詩美琴瑟貴以平心非徒娛耳惟茲四品諧此
八音苟嘉樂之可觀在官班而有節況昇平之代朝野多
歡簫韶之陳獸猶來格家室之際女也何妨未乖至理之
宜何速憲司之按此而獲過豈曰知音

林琨

琨濟南郡鄒縣人代宗朝官左司司封郎中知制誥

駕幸溫泉宮賦

以天下安樂明
主宴遊為韻

寒郊已暮兮景氣澄鮮遙林罷色兮古岫蒼然我皇將出

豫滌思觀風獵賢於是旭日霽野慶雲靄天指鳳城之香
陌得驪阜之甘泉乃乘琬玉之輿駕飛黃之馬羅霜仗於
灞亭之上駐清蹕於秦山之下賦汾水於秋風詠在鎬於
周雅若其嚴氣盛陰雲寒冰生巨壑雪滿層巒河海方閉
溫泉正湍豈獨鑒天心於曲渚藻聖慮於清瀾洞上善之
爲信秉至柔之自安伊昔竹殿始秋梧宮未落空望幸之
杳渺怨嬉遊之寂寞芸徒馥於玉階月虛容於金閣接遠
樹於新豐韻曉鐘於長樂皇歡是并品物咸享逶迤清泚
皎潔澄明奏鈞天而寒谷變律陳羽衛而陰飈換晴故能

蠲憂除患利用永貞於時澤洽羣臣恩徧區宇野豐擊壤
則有頌於康哉帝之何力空賡歌於聖主因返旆迴鑿道
遙近甸度祥光之蕭索鬱佳氣之葱蒨鈎陳不改下輦成
宴誠軹道而興嗟想磻溪而流盼然後省娛遊之樂念淳
樸之儔開靈液之廣潤與萬姓而同休施兔置於中谷賁
束帛於巖幽獨有執戟三道棲遲一邱空想臣朔之列常
陪漢武之遊

象賦

載詳圖籍爰尋古往功闡二儀物標萬象既拆之於混沌

亦聞之於惚恍雖處中而可求信居外而能想陰陽式布
造化斯分江河草木日月烟雲或毓靈而稟氣或照曜而
氛氳不因象而可覩豈無聲而得聞仰察天文傍觀地理
燦爛星布巍峩嶽峙或守位而不易或鎮方而恒止不因
象之所尊豈爲君而勝紀至若刻鳳之琴盤龍之鏡開玉
軫以交錯寫菱花而輝映聲信美而具出質舍虛而轉靜
不因象而可識豈克愛而爲盛則有大樂鼓吹聖人輿蹕
備禮而制乘時而出宛轉國門逶迤天術不因象之爲用
豈二儀而不失物皆有象象必可觀聽之則易審之則難

借如玉京上天貝闕中海其名可識其象安在象以影隨
影圖象遍居暗莫察因明則見眾象之德唯人是則任以
去留委其通塞則有心沉迹淪栖遲問津無才補國用道
藏身潁水尋隱商山訪真欣逢道遠應時來賓既無容而
可託空以象而為親

賦 空賦

以平上去入終而復始為韻

觀夫物則有名而有竭空則無竭而有名以空自名何縮
何盈搏之不得書之不明二儀肇分運寒暑則與時而應
百功勤務鑿戶牖則用之以貞泰山岌而不以為阻鴻毛

至而不以爲輕恬澹者體之而爲性澆浮者象之而爲情
情性之別共稟殊呈是知均乎空者既若茲倍乎空者竟
如彼卷之在方寸之內舒之盈宇宙之裏上皇得之而化
淳季葉失之而亂起妙一以爲稱總萬以歸理詎華說之
所精非揆藻之能擬及夫天朗氣高地平風暢颺飛鴻六
翮之遠彰彩雲五色之狀若士九垓以冥期蘭子七劍以
寥亮背之而騁捷遂之而攸向同橐籥之罔窮越視聽之
餘量況使皓鶴聞天白駒出谷囹圄鞠草洞簫生曲歟是
時端拱聖皇坐嘯英牧暨勞求士永介戩祿事無事爲無

金定全唐文 卷四十五
為衢常樽滿路不拾遺蓋有由而致之

對損戶繭絲判

甲宰邑而損其戶數按察使糾按曰不為繭絲

安人立政輯寧是職苟失厥德其惟不康伊甲宰邑墮爾
于位異彼魯恭無聞馴翟詎同言偃不見割雞視茲荻蒿
嗤士言之招納且修保障類尹鐸之權宜事雖害公義不
徇已損其戶數法所難踰務以繭絲時維救弊假如晉陽
始禍朝歌同惡事貴適時辭之或可況今聖惟敦本政在
養人且乖既庶必照明罰察使所糾寧叶大中

韓章

章大歷五年官吳興縣令歷司封郎中建中六年遷諫議

大夫

請停新任官復赴集疏

竊見去年所選授官者多以六月七月方至任所扶老攜

幼不遠數千里以就一官到纔經年遂見停替又見在留

中人多有注貞元四年闕者準格至來年正月赴上其續

留人注五年闕者遽以今年八月便上一等用闕一等授

官五年闕者授替在前四年闕者準格上仍在事後交非

金定在... 卷四... 三
允可今制命已行難於改易其所授官久請令至來年二

月上赴

韋翊

翊官御史大夫

蘇良士仙都山銘

亭亭仙都峻極維嵩屹立溟右削成浙東發地直方磨霄
穹崇靈沼在上祥雲積中珪植千仞柱寧四封目覩不及
翰飛靡窮羣阜奔走列仙會同黃帝攸訪碧嶺是冲丹穴
傍起金溪下融日臨霞附月映綃蒙壤絕棲塵木無寓叢

居幽不昧守一而雄萬歲報響九成來空嘉名乃復展禮
斯洪籙作懲止年祈感通莫高匪茲造物之功

李季卿

季卿京兆人明經擢第代宗朝官潮州刺史

三墳記

先侍郎之子曰曜卿字華名世才也宏毅樂易機符朗徹

既冠遭家不造諸季种藐植之以闕一藝博之以文行始

調秘書正字授右衛騎曹轉新闕一尉豪猾未孚立信以

示之禮浮窳未復本仁以示之義領長安尉直京師浩穰

決賊曹繁劇有立斷焉焯見焉左遷普安郡戶掾賦古樂府廿四章左史韋良嗣為之敘文集十卷

闕一 卿字萬天骨琅琅德闕一 文蔚識度標邁弱冠以明

字 觀國莅鹿邑虞鄉二尉魏守崔公沔泊相國晉公闕二

字 甲科第之進等舉之嘗遊嵩少夜聞山鐘賦云闕二 繼

也洪鑪沸鼎火半死巨壑重林風稍止無間闕三 未已詞

人珍之轉金城尉曹無受謝吏不敢闕四 卷行於世

字 闕一 卿字榮寬粟柔立於穆不瑕起家拜靈昌主簿已丑

歲小冢宰李公彭年尚其文翰署朝邑簿時漆沮決溢馮

翊昏墊醜渠榘蓄股引脈散下土為漑上腴成賦人到於
今賴之文集百一十二篇於戲三英孝友曾閔儔也文學
繼業璿碧產也純固名章杞梓材也昊穹生德宜受封福
僅逾強仕以講陰堂未盈一紀三墳相比思其咎職訊之
逢占占者邵權曰霸陵故塋葬不違禁害于而家歲攝提
格迺貞陽卜而祔大墳三墳以東南為伯仲叔馳之若鴈
行然大厯建元之明年於斯刻石恐夫溟海為陸老沙防

焉

栖先塋記

粵烏虜昔蒼龍大泉獻遭家不造先侍郎即世建塋霸陵

遺令也先大夫徐公高闕一字備矣泊單闕歲十有一月先

夫人合祔天寶改元我之伯也卒間五六年仲也卒不四

三年叔也卒君子曰李氏子天假其才不得其壽蓋謀及

龜策謀及鬼神歟方士邵權徧得管郭之道惜曰霸岸鑿

龕客土耗矣干温冥之禁非窳窳攸宜是用闕一字叶永地

其原鳳栖筮之遇損之解曰損孚解緩吉孰甚焉迺虔卜

邵城左疇闕一字右維茲食枚卜滄水東樊水西亦惟茲食

新卜塋連山南佐平崗闕二字坤勢之宜隧而順之伯氏仲

氏叔氏三墳陪側攝提格辜月仲句闕一日靈而以降壽

藏有恤無藏金玉厥惟琴書先志也異時述闕一三百篇

永泰中小宗伯賈公至為之敘上澤悅幽明錫類闕二追

贈黃門侍郎申命禮部尚書闕二清河郡太夫人闕三版

未篆皇命大厯惟二刊刻貞石闕三

李竦闕三

竦大厯二年登進士第官司封員外郎遷吏部郎中累官

戶部尚書鄧岳觀察使

偃武修文論闕三

李竦

國有二柄以濟人天有四時以成歲文武者君之威惠春秋者天之生成故人君法天時順人望人歸於德天應以時莫不奉此而寧災由斯而康俗所謂文者足以經邦國所謂武者足以定禍亂故武在合變不可一黷文貴經久可守爲常請借前事而明之庶斯得矣夫以堯舜揖讓湯武干戈于戈在乎止亂揖讓資乎偃武故得享國日久多歷年所三王既往霸者是繼晉文伐原以示信齊桓勤王以稱德宋殤好戰以隕越徐偃專文以喪亡王霸陵夷到於秦漢始皇威懾六國建萬代業隳城郭焚詩書卒使宗

朝爲墟身隕下國黷武之徵也高皇夷表一頃誅韓彭陸生
著書叔孫制禮修文之漸也光武以長者一難孟德以應
變即戎故得擒樊崇破袁紹雖未悉於至理道亦存乎息
戈晉文之對何曾不聞經國惠皇之溺賈后竟至破家吳
王石頭之都劉備益州之地但區區於守險曾不暇於脩
文後魏則多難臨朝後周則經國日淺孝文捨辮髮服衣
冠未能倒載干戈休放牛馬武帝降高緯戮晉公甲兵未
寧中道而殞也則不可文則不如東晉之僅保江山宋祖
之草創社稷道成以殷憂啟祚蕭衍以戡定興王陳主以

好內亡隋皇以征遼喪皆不明於文武適足為我驅除況
高祖端拱無為太宗大功繼統高宗致位於元默中宗御
俗以康寧睿宗之恭膺大寶元宗之克清海內肅宗之收
復二都皇帝之光有六合方今四夷向化萬姓歸心總七
聖之殊勳正百王之隆典然干戈未息瘡痍未瘳修文之
期取則不遠偃武之義今則時哉之節賈亦宜也

高仲武

仲武渤海人

大唐中興間氣集序

詩人之所作本諸心心有所感而形於言言合典謨則列於風雅暨乎梁昭明載述已往撰集者數家權其風流正聲最備其餘著錄或未至正焉何者英華失於浮游玉臺陷於淫靡珠英但紀朝士丹陽止錄吳人此由曲學專門何暇兼包眾善使夫大雅君子所以對卷而長歎也唐興一百七十載屬方隅叛援戎事紛紜業文之人述作中廢粵若肅宗先帝以殷憂啟聖反正中興伏惟皇帝以出震繼明保安區宇國風雅頌蔚然復興所謂文明御時上以化下者也某不揆菲陋輒罄謏聞博訪詞林採察謠俗起

自至德元年首終於大曆末年作者數千選者二十六人
五言詩一百四十首七言詩附之列爲兩卷畧敘品彙人
倫命曰中興間氣集且夫微言雖絕大制猶存詳畧其臧
否尚可擬議古之作者因事造端敷宏體要立義以全其
制因文以寄其心著王政之興衰國風之善否豈其苟悅
權右取媚薄俗哉今之所收殆革斯弊但使體格風雅理
致清新期觀者易心聽者竦耳則朝野通載格律兼收自
鄙以下非所附麗凡百君子幸詳至公

持入之紀蘇渙文

以心齊神感而沃然言言合典藉傾

渙本不平者善用白弩巴人號曰白跖賓人患之以比莊
躑後自知非乃變節從學鄉試擢第累遷至御史佐湖南
使崖中丞權幕崔遇害渙遂踰嶺扇動與哥舒混跋扈交
廣此猶蛟龍見血本質彰矣五年作變律詩十九首上廣
州連率李公其文意長于諷刺亦有陳拾遺一鱗半甲故
善之或曰此子左右嬖臣侵敗王畧今著其文可乎答曰
漢策紀蒯通說詞皇史錄列祖君彥檄書此大所以容細
也夫善惡必書春秋顯訓孟子格言渙者其殆庶幾乎但
不可棄其善亦以深戒君子之意也

平古書其善亦... 意也

由夫善惡... 善其欲熱幾乎... 此大瓶以容... 善之... 今替其文... 平谷曰

善之... 善其欲熱幾乎... 此大瓶以容... 善之... 今替其文... 平谷曰

善之... 善其欲熱幾乎... 此大瓶以容... 善之... 今替其文... 平谷曰

善之... 善其欲熱幾乎... 此大瓶以容... 善之... 今替其文... 平谷曰

善之... 善其欲熱幾乎... 此大瓶以容... 善之... 今替其文... 平谷曰

善之... 善其欲熱幾乎... 此大瓶以容... 善之... 今替其文... 平谷曰

善之... 善其欲熱幾乎... 此大瓶以容... 善之... 今替其文... 平谷曰

善之... 善其欲熱幾乎... 此大瓶以容... 善之... 今替其文... 平谷曰

欽定全唐文卷四百五十九目錄

任公叔

通天臺賦

鮑參登姑蘇臺賦

崔綜

史藻五星同色賦

崔瓘

太貴對私習天文判

侯上卿

對蜡響不祀判

成賁

對夷攻蠻假道判

史藏用

呈同色類

對夷攻蠻假道判

魏季龍

故蘓臺頌

對夷攻蠻假道判

楊歸裕

對夷攻蠻假道判

欽定全唐文

六目錄

權軼

樊光對夷攻蠻假道判

李昕

林萬對夷攻蠻假道判

宇文賞

對夷攻蠻假道判

柳潤之

對廬樹判

胡運

次定全唐文 卷四百五十九 目錄 二

珮賦

對聚徒教授判

杜確

許公墓誌銘

宇文岑嘉州集序

杜萬機與文變對

李昶對名田判

樊光機與文變對

蘇煇對均輸田判

李江

衛氏元包序

王延光

對升高判

齊嵩

穀城黃石公碑陰記

陳姓黃公公輅劍詩

齊嵩卷嘉州集序

杜萬傑長高候

王振興各田判

樊光諭文元會乳

李正對均輸田判

欽定全唐文卷四百五十九

任公叔

公叔大歷十二年進士

嘗其官通天臺賦

以洪臺獨存浮景在下為韻

武皇起雲陽之宮致崇臺於爽塏就山谷之交會得神明

之所在近瞰八極周臨四海將端冕而不二必垂衣而有

待是用迴載天路高標地遊依稀元圃想象丹邱磴道邈

以特立通天赫其無儔託神靈於秦甸結元氣於雍邱白

日旁轉青雲上浮八垓可接於咫尺步萬象無逃於寸眸是

獻歲春眾靈咸秩天子乃舉羣祠撰吉日郊上元禮太乙
風伯陪乘蚩尤扈蹕向甘泉以整像屆通天而挺出既
越氛霧之塗近星辰之境背麟衍之五時面長安之萬井
岐陽太華雙標象闕之形秦嶺終南遙樹軒墀之屏蹈烟
霞而有慕潔齋戒而思肯奉寶位之虔恭佇神仙於光景
當其宵衣待曙暘谷未開鈎陳匝乎營衛天漢列其昭回
燿火周起神光迴來暨三山之遍登當仰候於斯臺靄靄
高躅神祇煜煜喜氣周旋慶雲迴復召安期於滄海降王
母於黃屋樹翠玉以青蔥草靈芝以芬馥上結綵幟高居

耳目其覽物以懷柔非取愛于幽獨觀乎層構陵空
勢作雄風起而纖埃不致雨過而瀑溜潛通其載
惟洪所以大起於皇祚豈獨峻極于蒼穹是以擁帶休徵
感通純嘏會歌童之曲節彰從臣之風雅立極人望叶靈
王者將大漢之可追願侍祠於臺下
司馬遷世才稱良史探禹穴之遺跡紀吳國之舊
軌乃憮然而歎曰此姑蘇之墟淹留兮躊躇感斯宇之
基爲沼而仲雍之祀忽諸我聞周道既衰諸侯狎主中無

蘇臺賦

蘇臺賦 蘇臺高矣赫立而山

霸王蠻夷振旅始闔閭以信威終夫差以極武左與勁越
同壤右與強楚爲鄰內有高臺之築外有遠畧之勤積如
莽而暴骨亦如讎而視人是以疆場日駭版築未弭方五
載而厥成造中天而特起因土累以臺高宛嶽立而山峙
或比象於廬巫之峯或倒影於滄浪之水悉人之力以爲
美觀厚人之澤以爲侈靡斯實累卵於九層夫何見夫三
百里俚語有之曰川壅則潰月盈則匡善敗由已吉凶何
常矧謀主之賜劔若涉川兮無梁以爲棲越以求霸卒見
秦吳而受殃客自南鄙觀乎江濱徘徊舊德惆悵前聞試

遊目於寥廓曾歸然而參雲聽逆虐而翳諫竟麋鹿而爲
羣高天放曠平湖泱泱奕奕孤嶼茫茫極浦悲早鴈於海
式嘯高鷗於江雨況復關梁坐隔羈旅增愁山木將落汀
葭亂秋思美人兮何處獨懷邦兮遠遊彼名遂以身退顧
與范蠡而同舟東吳王孫有晬其容因少爲唱曰中心不
必兮子胥何爲懷直道而驟諫遭重昏之見危將漁父以
抗節且垂釣於江湄高臺既傾夕露沾衣感蒞國之不及
冀來人之與歸者也

崔宗

宗大曆十四年進士

五星同色賦

以昊天有成命爲韻

大儀設象下土是保作炯戒於人主垂吉凶於穹昊咎厥
失政休厥有道盈縮之分足推進退之心可考或主德而
有功必祐或主法而有罪必討爲天之佐兮融融作乾之
緯兮杲杲若乃縱橫天宇經緯星躔光芒井口煜耀斗邊
乍聚乍散或離或連分道則熒熒冰散周流則點點珠圓
其動也直其靜也專道濁則失位時清則色妍豈比夫二
使獨能承命七紀徒爲麗天者也令我后運乾之符握坤

之紐表正萬方肇康九有啟土繼聖乃人和而歲阜順時
立政故天長而地久所以有倫有次不淫不守光光兮作
邦之孚崇崇兮作聖不朽故我后修五禮偃五兵君臣一
德歌舞以行斯倉斯廩如坻如京玉衡正泰階平遂使金
也水也不能知白而守黑木也火也不能全曜而自貞乃
並用而不變與黃中而同明東爲四方之首胡不與歲而
同色水爲五行之長胡不助神以同榮翳土也是我皇之
休運乃昊天而有成且玉燭常明霜天若鏡鄰月魄而璀
璨落天津而隱映朝臨日道助我后夙興之勤思暮入天

樞表聖皇夜寐之勤政有以見日月之貞觀有以見天地之寶命暫逢急景之時更作重暉之詠

崔瓘

瓘博陵人代宗時為澶州刺史不為煩苛人便安之戶流亡還歸居二年增戶萬數詔特進五階以寵異政仕終湖南觀察使

對私習天文判

定州申望都縣馮文私習天文殆至妙絕被鄰

人告言追文至云移習有實欲得供奉州司將

科其罪文况遂投匭請追弟試敕付太史試訖
精心凝寂綿思洞幽既訊水之如符亦言天而若印昔聞
其事今睹斯人馮文儒術圓冠識均方士恥蒼蠅之迷夜
重鳴雞之唱晨由是微神穿石流觀刺井探九元之微妙
察五緯之綱維眷彼傾河言不乖於暝雨循茲險澗罪已
掛於秋霜隣人嫉深始求資於魏闕友于情切方辨過於
堯年由是皇旨鑒微刑不阿附既令付法須裁典憲按其
所犯合處深刑但以學擅專精志希供奉事頗越於常道

律當遵於異議即宜執奏伏聽上裁

侯上卿

上卿代宗時擢書判拔萃科

對蜡饗不祀判

歲十二月有司行蜡饗不祀司嗇迎猫而祭之

御史糾云古之君子使而必報

恤祀惟聖頒官有典三冬索饗以蜡昭報日孚皇澤非木

賜之知歲勸農功首炎帝之奠所司恪謹成式厥圖斯永

豳詩土鼓且奏和音表貉昆蟲固茲歲秩雖田惡鼠之食

在禮遵猶以迎豈可獨忘播時見遺司嗇伊耆氏之作蓋
不易然大宗伯之聽孰云能守御史以冠雄鐵柱糾繆是
彰彼以口異金人飾詞猶費徒稱君子必報曷若明神處
前古而強授使亦奚據請從白簡以奏彤廷

成賁

賁大歷朝官左司員外郎

賁四民對夷攻蠻假道判

夷攻蠻道由邊邑麥已熟或請人皆出獲宰不
許郡長讓之云恐為不耕者所得

王者無外寰中有截邊鄙不聳邦國以寧蠢爾蠻夷遽相
攻伐異苟息之假道且欲涉虞殊申舟之是行無聞聘晉
屬四月維夏三農聿興麥已熟於東皋人未饁於南畝瞻
言縣宰重化黎甿彈琴自娛宓子賤之多暇戴星以出巫
馬期之克勤過齊魯之相持觀邊徼而皆警是割是穫雖
美或人之謀我疆我理須從宰君之法何者食曰人天苟
求食而忘恥農為政本有情農以自安候其觀豐之生將
欲不耕而獲惡未可長患實預防百里正且得中六條恐
為虛讓

史藏用

藏用代宗時擢書判拔萃科

休田對夷攻蠻假道判

吳之嘉趙夷攻蠻道由邊邑麥已熟或請人皆出獲宰不

予無惑且許郡長讓之云恐為不耕者所得

善教者為政有聞適權者在邦必達能臨事而當斷非不
詢而作謀苟或越官是稱專欲屬王風不振霸業衰陵蠻
夷假道於上國丁壯就功於下土我承其弊肆毒宜縱於
貪狼爾無令聞為患亦同於蝨賊思營負戶議發懸門雖

師將入郢而人未及麥茂宰施令黔黎酌心能操製錦之
刀不紊在綱之網禮先敦義政貴有恒盡地必資於勸分
滌場或存於禁末我疆有畔須務材而訓農他人越思豈
瘠魯而肥杞縣大夫之立法於予何誅郡符竹之薄言將
子無怨且人有食色師非及耕宜從宣父之存信不讓勾
吳之棄鼓況縣道駢雜寇衝錯聯若從獲於或人是亂行
於田畷則輕賫者先於望歲剽刦者多於服勤革其虛求
亦謂盡善

魏季龍

季龍代宗時擢書判拔萃科

對夷攻蠻假道判

夷攻蠻道由邊邑麥已熟或請人皆出穫宰不

許郡長讓之云恐為不耕者所得

大為之防自我王度動不失實為爾政方苟消息之乖宜
諒子惠之無取相茲邊邑正曰寇衝務時訓農猶溫麥而
雖盛利兵秣馬假虞道而方深實慮欺天之凶寧顧如雲
之稼或人行險以徼倖將馮河以請收縣宰觀變以諮諏
固下關而不許度其危亂之際想其爭奪之源恐服囿者

不得自專而遊手者坐乘其利則不收不獲誠虛力稽之
功而惟一惟精實杜無知之俗臨下以簡示人不偷得仲
康馴翟之風符子賤彈琴之化何剖竹之虛讓掩烹鮮之
異能

大楊歸裕

自丹王更燻不夫實為爾如衣替節意之乖宜
歸裕代宗時擢書判拔萃科為不棟蒼視縣或入提

對夷攻蠻假道判

夷攻蠻道由邊邑麥已熟或請人皆出獲宰不

許郡長讓之云恐為不耕者所得

備豫不虞古之善教防萌是禁今也難易惟彼邊邑賴斯
良宰行化使尊其五教務穡不奪其三時屬夏麥已熟秋
成未幾丁壯愍焉望歲農父期於有年甸人未進於絳君
鄭師何傷於周野豈謂東夷有事南蠻是襲烽火驚候於
甘泉虜騎振武於沙塞固當因茲料敵無乃啟戎縱彼所
取肆其所獲則愚人每渴於僥求空思寇盜田畷獨嗟於
苟得欲罷耕耘誠百里之良謀豈一同之紊政况慮深知
遠而智在窮微雖爲郡長之讓應免士師之罰

權軼

軼代宗時擢書判拔萃科

對夷攻蠻假道判

夷攻蠻道由邊邑麥已熟或請人皆出穫宰不

許郡長讓之云恐為不耕者所得田

疆場之事先於慎守田農之業在乎克勤必資禮以防之

是謂政有經矣國家卧鼓荒徼偃伯靈臺于戈既戢雖息

犯邊之慮蠻夷相攻尚無假道之禮今者大田既稼滯穗

未收邊邑常近于寇讎或人且慮其蹂踐請皆出穫成此

有年欲使功見於多安能義然後取邑人爭出必盡室以

行我倉既盈或不耕而獲豈伊恤病實長幸災惟彼前修
邑宰之化斯得徵諸故事郡長之讓頗乖

李昕

昕代宗時擢書判拔萃科

此令圖對夷攻蠻假道判

於從政乎務知遠者苟施小惠是紊大倫惟彼邊邑地雜

華裔允茲賢宰政協良能雲雨之施既行蒲密之風斯得

屬麥秋已至農事方殷不虞蠻夷聿相寇虐豺狼猖獗且
迷假道之心原野馮陵得無犯苗之患遂使我疆我理不
復如茨如梁將從皆獲之詞是利不耕之願雖或思苟得
從效單父之甿而宰絕妄求式光宓子之教未哉郡長昧
此令圖雖為責人無難其如有孚室惕

宇文賞駢書此姓萃條流既假伯靈臺下又既

賞代宗時擢書判拔萃科

對夷攻蠻假道判

夷攻蠻道由邊邑麥已熟或請人皆出穫宰不

許郡長讓之云恐為不耕者所得

蝨賊尋戈聳我邊鄙穡人是溷曠茲割穫且蠻方不率夷
德無厭贄幣不通范宣止其預會攻取何有楚子莫得同
盟乃類乎齊有魯師晉假虞道俾我原田亂轍麥隴啟行
川上芄芄豈遑出穫邑中惴惴時有登陴明宰道不忍欺
弦歌斯洽以為不耕而獲負胡取之義有備而舉徵牽復
之辭百里此勤信徵我有咎六條所讓伊不明謂何長對

柳潤之

潤之代宗時擢書判拔萃科

對廬樹判

商子行飲食失節生疾抑云廬氏井樹不修

四人有業天下同歸理在營生方光潤屋貨賄山積是往
來於五都珍奇海輸乃森羅於九市睠言商子實職買遷
襲弦高之風爲絳侯之事經途所亘多跋涉之勞飲宿乖
宜爽陰陽之候野廬所掌井樹是修何得曠於主司致有
損於行李遂使銀牀罷汲無郝子之投錢碧樹摧榮聞茅
生之危坐盍歸司敗以正刑書懲其已犯之愆永息將來
之弊

之胡運禮曰周王燕合音齊中賦朕令齊不

運代宗時擢書判拔萃科即魏甄合望坐開浴外

禮樂亦珮賦實則無正以譽長

玉有環珮所以節威儀珪璋所以應朝覲朝覲貴乎特達

威儀在乎淑慎則珮之為用以德聞珮之為服以禮進既

取堅以縝密亦體柔以溫潤其彩炯明涵黼黻之華其聲

清越諧金石之韻豈止法先王之服戒乎大夫抑以觀古

人之象原之帝舜由是表尊卑之飾彰朝覲之美佩山元

而抱水蒼搖搖兮耿光左宮羽而右角徵鏘鏘兮垂委非

徒抑其進退亦以制其容止則裂石破玉靡顏膩理清清
泠泠作羽儀於君子思我王度服之衷已珩韞相煥品命
不渝貫以桃花之綬錯以明月之珠時也朝北極歷天衢
明玉殿耀金鋪徽音生於矩步繁響起於風趨濟翼爲君
臣之榮觀逶迤乃賢哲之令圖亦何必搴修蘭於長坂折
瓊枝於遠區然後爲美乎別有楚臺神媛越國名姝嬌羅
豔縠秀色鮮膚振鳴玉以響亮踐瑤階以踟躕聲珊珊兮
若有無睇絲絲兮意愉愉翩躚躚兮望坐隅欲從君兮禮
之拘乃歌曰佩玉蕊兮德音發中規矩兮聲不歇馳畋獵

今思敬慎壽考不忘今長歲月端法服今臨魏闕羣后覲
今萬方謁

對聚徒教授判

甲聚徒教授每春秋享射以素木瓠葉為俎豆

學以道尊禮為教首事克師古人焉生惑眷言彼甲惟德
潤身敦詩說禮奉守先王之訓博聞強識能為君子之儒
是以生徒駿奔負笈雲集橫經紛其滿席執禮爛其盈門
故能春秋匪懈享祀不忒教胄子之威儀陳鄉人之揖遜
登以素品射從薄物稽諸匏葉有若繫蘋桑弧不類於桃

弧兔首豈齊於狸首同劉昆之故事習俎豆於私室異祭
遵之前式陳禮容於軍旅古則無議今亦何傷徒小有言
責其行禮欲崇北海之術謹遵東觀之詞

杜確

確代宗時人

許公墓誌銘

睢南太守靈德大君死國曰忠死家曰正夫婦雙節萬古
芳名天子錫葬崇榮厚死骸莫同封神妥於此鬱鬱洛塘
龍蟠鳳翔巍乎泰峙地久天長羽林繁祉其福無疆

岑嘉州集序

自古文體變易多矣梁簡文帝及庾肩吾之屬始爲輕浮
綺靡之詞名曰宮體自後沿襲務於妖豔謂之摘錦布繡
焉其有敦尚風格頗存規正者不復爲當時所重諷諫比
興由是廢缺物極則變理之常也聖唐受命斲雕爲樸開
元之際王綱復舉淺薄之風茲焉漸革其時作者凡十數
輩頗能以雅參麗以古雜今彬彬然燦燦然近建安之遺
範矣南陽岑公聲稱老著公諱參代爲本州冠族曾太公
文本大父長倩伯父羲皆以學術德望官至台輔早歲孤

貧能自砥礪徧覽史籍尤工綴文屬辭尚清用意尚切其
有所得多入佳境迴拔孤秀出於常情每一篇絕筆則人
人傳寫雖閭里士庶戎夷蠻貊莫不諷誦吟習焉時議擬
公於吳均何遜亦可謂精當矣天寶三載進士高第解褐
右內率府兵曹參軍轉右威衛錄事參軍又遷大理評事
兼監察御史充安西節度判官入爲右補闕頻上封章指
述權佞改爲起居郎尋出號州長史又改太子中允兼殿
中侍御史充關西節度判官聖上潛龍藩邸總戎陝服參
佐僚史皆一時之選由是委公以書奏之任入爲祠部考

功二員外郎轉虞部庫部二正郎又出爲嘉州刺史副元帥相國杜公鴻漸表公職方郎中兼侍御史列於幕府無幾使罷寓居於蜀時四川節度因亂受職本非朝旨其部統之下文武衣冠附會阿諛以求自結皆曰中原多故劍外小康可以庇躬無假向闕公乃著招蜀客歸一篇申明逆順之理打挫邪佞之計有識者感歎奸謀者慚沮播德澤於梁益暢皇風於邛夔旋軫有日犯輶俟時吉往凶歸嗚呼不祿歲月逾邁殆三十年嗣子佐公復纂前緒亦以文采登名翰場有公遺文貯之筐篋以確接通家餘烈忝

同聲後輩受命編次因令繕錄區分類聚勒成八卷倘後
之詞人有所觀覽亦由聆廣樂者識清商之韻游名山者
仰翠微之色足以瑩徹心府發揮高致焉京兆杜確序

杜萬

萬大厯中官員外郎

對名田判

乙為列侯名田縣道有司糾云既違新制請沒

入縣官乙訴云雖已受封實未之國不伏

庸功制爵以國俾侯司勳是職太常是紀錫周官之彝器

分漢家之茅土古之成憲今也則殊乙之所封義符分陝
介珪入覲盛君子之威容家田無征備優賢之榮寵何縣
道之為僭宜有司之見効徒用多言是為害政

樊光

光大歷時官硤石主簿

對均輸田判

吉泰將均輸地上已籍下人告不合

大邦列土畀畫有則齊眚分利割據必書苟非躬田無或
編版功以受錫人其捨諸吉泰攝生明代志事耕鑿率情

暗昧固貪井屋官未聞於三命謨亦乏於九功匡救本無
封賞何有輒將均輸之地以載充家之籍則宏羊藏事今
也雖存劉盆祝食此而安取既黷常典合寘常刑

李江機自舖田機

江代宗時官郾師尉

樊光
衛氏元包序

包之爲言也廣大含宏三才悉備言乎天道有日月焉有
雷雨焉言乎地道有山澤焉有水火焉言乎人道有君臣
焉有父子焉理國理家爲政之尤者昔文質更變篇題各

異夏曰連山殷曰歸藏周曰周易而唐謂之元包其實一也包者藏也言善惡是非吉凶得失皆藏乎其書也觀乎囊括萬有籠罩八紘執陶鑄之鍵啟乾坤之扁孕覆育載通幽洞冥窮天人之秘研造化之精推興亡之理察禍福之萌與鬼神齊奧將日月並明謂六五經而四三易雖太元莫與之京然文字奇詭音義譎怪紛而不釋隱而不明者得非遭於離亂與易曰作易者其有憂患乎蓋所謂憂亂世而患小人也故其辭危衛先生近之矣秘書少監武功族源明洗心澄思聖修傳解紛以釋之索隱以明之

帝王之道昭然著見有以見理亂之道有以見成敗之端
江考於訓詁耽於講習輒演元義庶傳於學者焉

王延光

延光代宗時人文字音韻音義語到然而不鞿擊而不

之黃車對升高判

此幽臥宜解式與長年行因升高不從聽視遂杖之式訴

夔許萬京州斷關論省科失入

視瞻無回在於往記周旋有禮著之前聞惟彼長年與茲

解式行將望遠豈伊升高之能賦悠然目極寧復登山而

送歸且平原坦夷迴首超忽苟不從其所視欲何詳於切
問式之立身誠未謂之學矣長者加杖蓋亦尤而效之則
不愠不知君子之通論如怒如社詩人之美述既墻面而
斯責於情怒而安施薄訴之由其文有以雖鬪論教法頗
欽於州見而失入在宥請遵乎省科

齊嵩

嵩高陽人代宗朝官殿中

御史

穀城黃石公碑

記

元宗季年濟陽廢而東于兼令之所

東裴公即故郡

守名序所題趙郡

且即今冀

西頃歲馬公炫自郎

官出牧少與臺長交契莫逆嘗勦廟於廟不覩所記適搜

李文以勒貞石每歎曰所謂經過

考

文章者其在茲乎未

及畢而謝病言歸今二千石郭公岑尚德是務踵成厥美

句曹掾韋騰戎曹掾俞黃中郡之良也承命集事殿中侍

御史高陽齊嵩聆而嘉之故紀云唐大厯八年七月十五

日建

不味古乎之盡論也然則藉人之美也

開之立良始未體之學矣身者必林蓋亦法而效之

出氣且平氣也夷野首強然皆不發其能所於同信然

欽定全唐文卷四百六十目錄

陸贄

聖人苑中射落飛鴈賦

東郊朝日賦

傷望思臺賦

月臨鏡湖賦

冬至日陪位聽太和樂賦

登春臺賦

鴻漸賦

奉天改元赦制

平朱泚後車駕還京大赦制

冬五日詔於顯太味樂類

凡詔諭所類

勳望恩臺類

御文高東散陣中類

望入英中懷慈張凱類

劉贊

欽定全唐文卷四百六十目錄

欽定全唐文卷四百六十

陸贄

贄字敬輿蘇州嘉興人大歷八年進士中博學宏詞科又以書判拔萃補渭南尉遷監察御史德宗立召為翰林學士從駕幸奉天轉考功郎中從幸梁州轉諫議大夫還京轉中書舍人貞元七年拜兵部侍郎八年為中書侍郎同門下平章事十年罷知政事除太子賓客十一年貶忠州別駕順宗立徵還未至卒年五十二贈兵部尚書諡曰宣

聖人苑中射落飛雁賦

以題為韻次用

於穆我皇受天明命與乾坤而合靈

聖虞而齊盛成功

斯著射中九霄之禽文教已宣
是應千年之聖想彼禽矣
雖雖可珍配玉帛於前禮齊山木於至人棲必擇處翔無
失倫候律南徂洞庭之芳草猶碧順時北向上林之繁花
已春苟應弦以啟聖同殺身以成仁爾乃雲收遠天水落
上苑風蕭蕭而勁夕日杳杳而低晚於是聖人悅年豐修
武功有直斯矢有昭其弓因肅殺之候遊苑囿之中彼雁
于飛斜當禁掖帶輕雲之微素映遙天之晴碧雖逢蒙之
絕藝莫敢措心固離婁之明眸其纔能覲我弓斯張我矢

斯射算分數之遠近則舍拔而應鏘質毛紛其已墜強聲
振猶未釋聞之者足蹈手舞覩之者目駭心惕彼貫心稱
妙穿葉無乍一則三年而後發一則百步以爲約豈如料
必中於飛動騁絕伎於寥廓雁以遠而久發矢旣發而雁
落異哉莫高者天戾天者飛彼搏空之逸翰尚無所違矧
荒服之逆命曷不咸歸則知皇聖有作夷夏無間鄙楚莊
之戲猿笑晉平之失鷄固將威九垓而清八荒豈直落翔
雲之一雁

東郊朝日賦

以國家行仲
春之令爲韻

日爲炎精君實陽德明至乃照臨下土德盛則光被四國
天垂象聖作則候春分之節時則罔愆順周官之儀事乃
不忒於是載青旗儼翠華蓋留殘月旗拂朝霞咸濟濟以
皇皇備禮容於邦家天子躬整服以待曙心旣誠而望
倏而罷嚴更闢禁城五輅齊駕八鸞啟行風出郊而草偃
澤先路而塵清卷餘靄於林薄動神光於旆旌初破鏡而
半掩忽成輪而上征杲耀榮光分輝於千品萬類煙煜瑞
色均燭於四夷八紘一人端冕以仰拜百辟奉璋而竭誠
故曰天爲父日爲兄和氣旁通帝德與日德俱遠清光相

對帝心與日心齊明時也春事旣用夾鐘律中登觀臺而
瑞集觀芳甸而農眾東爲陽位故出拜於不仲居時中
乃展禮於春仲旣而盛禮畢陳錫鑿回輪有罄室巷無
居人備禮服之燦燦殷游車之鱗鱗人望早我澤如春
惟天德與聖壽配朝日而長新伊茲禮之持歷前代而
修之漢拜庭中成煩褻之細事魏朝歲首失禮經於舊時
國家欽若天命率由時令矯前王之失德修古典而施敬
俾伯夷之掌禮侔軒后以作聖恭承命於春卿遂觀光而

興詠

傷望思臺賦

桃野之右蒼茫古原草木春慘風煙晝昏攬予轡以躊躇
見立表而斯存乃漢武戾嗣勦命地也然後築臺以慰遺
魂吁自古有死胡可勝論苟失理以橫斃雖千祀而猶冤
當武帝之季年德不勝而耄及浮誕之士疊至詭怪之巫
繼集忠見疑而莫售讒因隙而競入忘嗜欲之生疾意巫
詛而是因將搜蠱以滌災縱庸瑣之姦臣言何微而莫讐
冤雖毒而奚伸構儲后以掛殃矧具寮與齊人旋激怒而
誅克竟奔湖而滅身異哉漢后因姦邪之是誘俾冢嗣而

惟咎彼傷魂之冥冥故築臺其何有嗟爾戾嗣盍入
見志遽與戈而自棄諒君父之是叛雖竄身其焉冥
一失其理孝慈兩墜不其傷哉夫邪不自生釁亦有託信
其讒興利則妖作恣鬼神之愆變實人事之紛錯故子不
語於怪亂道亦貴乎淡泊蓋爲此也水滔滔而不歸
杳而西馳時徑往兮莫追人共盡兮臺隳榛焉莽焉俾永
代而傷悲

月臨鏡湖賦

以風靜湖滿輕
波不動爲韻

月配陽含虛而明湖止水體柔而平光無不臨故麗天並

耀清可以鑒因取鏡表名月包陰以成象水稟月而爲精
兩氣相合實不入而疑入二美交映伊本清而又清色皎
潔而秋天愈靜波演漾而宵風乍輕類泗濱之磬見疑合
浦之珠明至明洞幽至清無垢同元澤無遠不遍等達人
以虛而受滿不可恃望之足戒以虧盈形或未分鑒之則
辨其妍醜輕靄不起纖塵莫過沉璧彩而爲鏡碎金輝以
成波皓質未判空聞田鶴之唳香風乍度暗傳蓮女之歌
萬象皆總湛清光而不動極望靡窮凝虛皓而如空照同
心千里之外洞游鱗百丈之中擢影乍浮如上天邊之漢

桂華不定多因蘋末之風白晝誠窮殘夜將短臨遠峯而
欲落沉餘景而猶滿月之德也朗而迴水之性也
照有餘暉光無匿影滿而將缺顧兔自殊於太陽導之則
流無禽豈同於舊井原夫德無不應理必相符湖以柔而
藏月月因朗而彰湖不私其明明則有裕無逆於物物乃
不孤異投珠而按劍等藏冰而耀壺惟水月之叶美與君
子而同塗

冬至日陪位聽太和樂賦

以文德光宅天
敬萬壽爲韻

樂自上古兮和洽是聞日至南極兮陰陽肇分名太和而

順氣取初陽而配君則知天授聖而正歷聖應天而放勳
惟至也去陰就陽惟樂也偃武修文八佾初陳雜鸞鳳而
容裔九奏旣畢降佳氣之氤氳爾其順元辰體乾德赫容
衛之森肅儼宸位之恭默班禮樂于千品陳贄幣於萬國
濟濟皇皇威容孔彰望北辰以列位指南山而獻觴慶雲
協符榮觀臺之加麗太陽臨照煜魏闕而增光於是太常
導千羽而前曰八音自設千古靡隔所以賞諸侯之功暢
聖君之澤失其度則滯滯寢興適其儀則上下咸格清淨
順氣而不擾和樂自心而來宅可以導情欲可以滌煩劇

既而筍簾齊列笙竽互傳偕肅肅而合雅亦啾啾而同元
備以四夷識四海之無外成於九土知九德之咸宣崇易
簡豈同於濮水務德化寧比於鈞天既損之而又損蓋斯
焉而取焉故所以移風易俗發號施令周天地而不流匝
寰宇而無競斥鄭衛而不御暢柔和而全正羣黎足蹈而
手舞百僚儀肅而心敬則知一人作則萬邦維憲來遠人
以干舞播聲頌而吹萬則鄭之細晉之思不可以勸湯之
放武之伐而猶有怨豈比我照二儀形九有舒太和之至
德居盛陽之元首咸口典而有則固可大而可久明明我

后於斯萬壽

登春臺賦

以晴眺春野氣和感深為韻

春發生以煦物臺居高而處明俯而望焉舒郁郁之和氣
登可樂也揚怡怡之遠情觸類斯感眾芳俱榮風出谷以
天霽雲歸山而景晴俛視平皋傍臨遠嶠窮漢苑以周覽
匝秦城而迴眺林巒彩翠浮佳氣於遙天宮觀參差麗飛
薨於夕照望莫若兮望遠感何深兮感春登其臺則歷階
而至極應乎律故陰慘而陽伸令行斯順澤布惟均視雖
微而必審思何遠而不親懿夫情之誘人人罔或舍時之

感物物莫能假臺有春而必望春何情而不寫條風始至
散灼灼之紅桃穀雨初收潤萋萋之綠野天何言哉生眾
彙人有靈兮感元氣旣望春而可樂亦升高而足貴賞同
沂水聊舞雩以詠歌登異觀臺寧覩蜡而增歎周望旣極
含情則多媚遲日之未下愛清風之屢過目眇眇以心遠
野悠悠而氣和可以樂芳時之景物壯皇室之山河豈比
夫羈士登樓而作賦碩人在軸而爲歌者哉春無物而不
滋臺無退而不覽豈老氏之或論伊潘生之所感稽其趣
時之規遠創意之義深春非臺而何樂臺非春而罔尋故

望春者惟臺是履登臺者惟春是臨繫在物之可用必從
時之所任儻自下而可託庶升高而至今之視春其賦

夫羅士鴻漸賦

以鴻漸路
適之為韻

深不測者道大無疆者空空非羽而何適道匪人兮孰通

通於道者是謂君子適於空者莫如漸鴻故聖人託象以

明義務勤以飭躬將自邇而圖遠必因卑而致崇始其素

卵新化青春戲融一之日乳哺衡陽之曲二之日翱翔彭

蠡之中且爰居以樂水亦從正而養蒙毳毛其成洞庭之

芳草初綠弱羽云就武陵之繁華已紅而見其進未知其

終之入夫姿淑偉麗飛鳴有檢動靡求棲遊皆遠險思奮志
於寥廓且藻容於菱芡昇不越次先冒履木之危進而得
中孚及于磐之漸漸如何其往有攸措方去渚而戾止俄
躋陵而遐顧風水遙輔於羽毛烟雲未通於道路噤噤相
召驚月夜而亂趨肅肅連行拂天池而徑度信梁燕之莫
儔豈谷鶯之足慕亦猶九層起於累土千里始於投迹琢
玉者日就其功爲學者月將其益皆自微以成著固何求
而不適異夫出陸搏空驤首矯翮順寒暑以攸往亘山川
而罔隔以言乎鳥也尚不忘進以言乎人也如何勿思思

者所以志道進者所以修辭誠既往而莫返冀將來而可
追蒙亦有望於斯漸敢不肅然而勉之

王莽曰奉天改元大赦制

平朱泚後改建中五年為興元元年

王莽曰奉天改元大赦制

門下致理興化必在推誠忘已濟人不吝改過朕嗣守丕

構君臨萬方失守宗祧越在草莽不念率德誠莫追於

往永言思咎期有復於將來明徵厥初以示天下惟我

祖邁德庇人致俗化於和平拯生靈於塗炭重熙積慶垂

二百年伊爾卿尹庶官洎億兆之眾代受亭育以迄于今

功存于人澤垂于後肆予小子獲纘鴻業懼德不嗣罔敢

怠荒然以長于深宮之中暗于經國之務積習易溺居安
忘危不知稼穡之艱難不察征戍之勞苦澤靡下究情不
上通事既壅隔人懷疑阻猶昧省已遂用興戎徵師四方
轉餉千里賦車籍馬遠近騷然行齋居送眾庶勞止或一
日交鋒刃或連年不解甲胄祀奠之主室衣靡依生死
流離怨氣凝結力役不息田萊多荒暴命峻誅求疲毗
空於杼軸轉死溝壑離去鄉閭邑里邱墟人煙斷絕天譴
於上而朕不悟人怨於下而朕不知馴致亂階變興都邑
賊臣乘釁肆逆滔天曾莫愧畏敢行凌逼萬品失序九廟

震驚上辱於祖宗下負于黎庶痛心覩貌罪實在予永言
愧悼若墜深谷賴天地降佑神人叶謀將相竭誠爪牙宣
力屏逐大盜載張皇維將宏永圖必布新令朕晨興夕惕
惟念前非乃者公卿百寮累抗章疏猥以徽號加于朕躬
固辭不獲俯遂輿議昨因內省良用矍然體陰陽不測之
謂神與天地合德之謂聖顧惟淺昧非所宜當文者所以
成化武者所以定亂今化之不被亂是用興豈可更徇羣
情苟膺虛美重余不德祇益懷慙自今以後中外所上書
奏不得更稱聖神文武之號夫人情不常繫于時化大道

既隱亂獄滋豐朕既不能宏德導人又不能一法齊眾苟
設密網以羅非辜爲之父母實增愧悼今上元統歷獻歲
發生宜革紀年之號式敷在宥之澤與人更始以答天休
可大赦天下改建中五年爲興元元年自正月一日昧爽
以前大辟罪已下罪無輕重已發覺未發覺已結正未結
正繫囚見徒常赦所不原者咸赦除之李希烈田悅王武
俊李納等有以忠勞任膺將相有以勲舊繼守藩維朕撫
馭乖方信誠靡著致令疑懼不自保安兵興累年海內騷
擾皆由上失其道下罹其災朕實不君人則何罪屈已宏

物予何愛焉庶懷引慝之誠以洽好生之德其李希烈田
悅王武俊李納及所管將士官吏等一切並與洗滌各復
爵位待之如初仍卽遣使分道宣諭朱滔雖與賊泚連坐
路遠未必同謀朕方推以至誠務欲宏貸如能效順亦與
維新其河南河北諸軍兵馬並宜各於本道自固封疆勿
相侵軼朱泚大爲不道棄義蔑恩反易天常盜竊名器暴
犯陵寢所不忍言獲罪祖宗朕不敢赦其應被朱泚脅從
將士官吏百姓及諸色人等有遭其扇誘有迫以兇威苟
能自新理可矜宥但官軍未到京城以前能去逆效順及

散歸本軍本道者並從赦例原免一切不問天下左降官
卽與量移近處已量移者更與量移流人配隸及藩鎮効
力并緣罪犯與諸使驅使官兼別勅諸州縣安置及得罪
人家口未得歸者一切放還應先有痕累禁錮及反逆緣
坐承前恩赦所不該者並宜洗雪亡官失爵放歸勿齒者
量加收敘未復資者更與進敘人之行業或未必兼構大
厦者方集於羣材建奇功者不限於常檢苟在適用則無
棄人況黜免之徒沉鬱旣久朝過夕改仁何遠哉流移降
黜亡官失爵配隸人等有材能著聞者特加錄用勿拘常

例諸軍使諸道赴奉天及進收京城將士等或百戰摧敵
或萬里勤王扞固全城驅除大憝濟危難者其節著復社
稷者其業崇我圖爾功特加彛典錫名疇賦永永無窮宜
並賜名奉天定難功臣身有過犯遞減罪三等子孫有過
犯遞減罪二等當戶應有差科使役一切蠲免其功臣已
後雖衰老疾患不任軍旅當分糧賜並宜全給身死之後
十年內仍回給家口其有食實封者子孫相繼代代無絕
其餘敘錄及功賞條件待收京日並準去年十月十七日
十一月十四日勅處分諸道諸軍將士等久勤扞禦累著

功勳方鎮克寧惟爾之力其應在行營者並超三資與官
仍賜勳五轉不離鎮者依資與官賜勳二廿一一 亦加勳爵
仍許回授周親内外文武官三品已上賜爵一級四品已
下各加一階仍並賜勳兩轉見危致命先哲攸貴掩骼葬
齒禮典所先雖効用而或殊在惻隱而何間諸道兵士有
死王事者各委所在州縣給遞送歸本管官為葬祭其有
因戰陣殺戮及擒獲伏辜暴骨原野者亦委所在逐近便
收葬應緣流貶及犯罪未葬者並許其家各據本官品以
禮收葬自頃軍旅所給賦役繁興吏因為姦人不堪命咨

嗟怨苦道路無聊沆可小康與之休息其墊陌及稅間架
竹木茶漆權鐵等諸色名目悉宜停罷京畿之內屬此寇
戎攻劫焚燒靡有寧室王師仰給人以重勞特宜減放今
年夏稅之半朕以兇醜犯闕遽用于征爰度近郊息駕茲
邑軍儲克辦師旅攸寧式當褰旌以志吾過其奉天宜升
爲赤縣百姓並給復五年尚德者教化之所先求賢者邦
家之大本永言茲道夢想勞懷而澆薄之風趨競不息幽
棲之士寂寞無聞蓋誠所未孚故求之不至天下有隱居
行義才德高遠晦跡邱園不求聞達者委所在長吏具姓

名聞奏當備禮邀致諸色人中有賢良方正能直言極諫
及博通墳典達於教化并洞識韜鈴堪任將帥者委常參
官及所在長吏聞薦天下孤老鰥寡惇獨不能自活者並
委州縣長吏量事優恤其有年九十已上者刺史縣令就
門存問義夫節婦孝子順孫旌表門閭終身勿事大兵之
後內外耗竭貶食省用宜自朕躬當節乘輿之服御絕宮
室之華飾率已師儉爲天下先諸道貢獻自非供宗廟軍
國之用一切並停應內外官有冗員及百司有不急之費
委中書門下卽商量條件停減聞奏布澤行賞仰惟

章

今以餘孽未平帑藏空竭有乖慶賜深愧于懷赦書有所未該者委所司類例條件聞奏敢以赦前事相言告者以其罪罪之亡命山澤挾藏軍器百日不首復罪如初赦書日行五百里布告遐邇咸使聞知當慎乘輿之罪輸誠

平朱泚後車駕還京大赦制

門下致理之體先德後刑禮義興行故人知耻格教令明當則俗致和平然後姦慝不萌暴亂不作古先哲后莫不由斯國家受命百七十載八聖儲慶敷佑下人邁種寬大之德累蠲苛酷之令蓋仁之所積者厚故澤之所流者深

茲予小子獲主重器懵於理亂之本溺於因習之安授任
不明賞罰乖當立法以齊眾而犯命愈甚興戎以除害而
長亂益繁賊臣蓄姦乘釁竊發九廟乏主兆人靡依猘猱
肆其吞噬豺狼穴於宮闕歲未云半載罹播遷仰慚穹昊
俯愧臣庶敢愛賈越苟全眇躬誠懼益縱寇讎重辱宗社
忍恥誓志庶補前羞賴億兆宅心不忘先德諸帥勩力恭
行天罰俾余寡昧再膺多祐總乾綱於旣紊復天柱於將
傾言旋鎬京不改舊物宗祧有序朝享有期責重慶多深
增感惕嗚呼君者所以撫人也君苟失位人將安仰朕旣

不德致寇興禍使生靈無告受制兇威苟全性命急何能
擇或虧廢名節或貪冒貨利陷於法網事匪一端究其所
由自我而致不能撫人以道乃欲繩之以刑豈所謂恤人
罪已之誠含垢布和之義滌清汚俗咸與更新可大赦天
下自興元元年七月二十三日昧爽已前大辟罪已下已
發覺未發覺已結止未結正見繫囚徒常赦所不原者咸
赦除之今年五月二十八日已前左降官卽與量移未復
資者更與移近處流人及犯配隸藩鎮効力並卽放還亡
官失爵放歸不齒者量加收敘已經收敘未復資者更與

進改其黜免人等有素著行能旁遭譴累特加錄用勿以
爲負不有忠者誰復社稷不有勞者誰從巡狩連帥之重
所以殿邦禦侮也二千石之任所以分憂共理也方鎮將
校勤奉戎役中外寮吏恪居官次國有大慶所宜同之內
外文武及致仕官三品已上賜爵一級四品已下加一階
仍並賜勳兩轉司徒兼中書令晟英特傑立光輔中興再
定皇都一匡天下推恩之典貽慶無窮宜與一子五品正
員京官侍中城沉遠忠厚服勞王家保全危城翦除大憝
嘉乃茂績次于寵章宜與一子六品正員京官鎮國軍潼

關節度使檢校右僕射駱元光京畿渭南商州節度使檢
校右僕射尚可孤邠寧等州節度使檢校右僕射韓遊瓌
奉天行營諸軍節度使檢校右僕射戴休顏咸秉大節著
于艱難同勲叶忠翼我興運宜各與一子七品正員官諸
道節度使及行營都知兵馬使興元扈從左右金吾大將
軍等各與一子八品正員官諸道團練觀察處置等使各
與一子九品正員官應諸軍赴上都收復將士等俱以純
誠奮其勇節連年帶甲百戰摧鋒有忘身以効命有滅親
以徇義誓平國難如復私讎競揚貔虎之雄克清梟獍之

孽策勲行賞傳嗣榮親播乃功名與國終始自去冬已來
未經甄敘者卽與超八資改轉已經甄敘者更與超三資
進改三品已上祖父母在先無官封者量與致仕官及邑
號亡者並與追贈四品已下父母在先無官封者亦授致
仕官及邑號亡者並與追贈其賞錢委所司卽依元勅支
給應扈從將士三品已上賜爵兩級四品已下各加兩階
仍並賜勲三轉其祖父母父母封贈並準收京城例處分
應扈從官普恩之外三品已上更加爵一級四品已下更
加一階若常參官祖父母父母在先無官封者量授致仕

官及邑號亡者並與追贈諸州刺史普恩之外賜爵一級
諸道進奏陪位者更加一階其奉天定難及元從功臣宜
令本軍本使卽定名聞奏所司各準元勅優賞其諸道軍
鎮及行營將士三品以上賜爵一級四品以下加一階仍

準今年正月一日命邊與甄敘成德淄青魏齊等節度并

諸軍應歸順將士等各蘊誠義積著功勞由人失於撫綏

頃歲暫懷疑阻尋能勵節不替舊勲是資宴犒俾洽澤

宜委所司卽約額支計資物錢物賞設仍委本道節度準

前後勅速條疏甄敘其朔方并諸軍應在河中管內及同

州將士等自遠赴難解其重圍念茲功勞並未酬報雖遭
脅制情有可矜應到行營未經甄敘者並準元勅超五資
改轉其賞錢比收京城將士例各給一半三本軍兵馬使
條錄名銜聞奏所司支計給付其食實封者亦便配額令
其請受應天下諸道諸軍將士等如有年老及疾患尪弱
不任軍旅願歸鄉里者並給終身優復州縣切加安存勿
令侵擾如無家可歸者量給田宅使得存濟見危致命先
典所尚況忠衛社稷殺身成功朕於斯人義有加等贈太
尉秀實天授貞烈沮茲姦邪蒼黃之中獨蘊雄斷將紓國

難詭收寇兵兇謀旣虧吾事果濟忠誠奮發手擊渠魁英
風凜然振蕙千古宜卽差官致祭并旌表門閭府縣護其
喪事緣莖一切官供仍於墓所官爲立碑以揚徽烈
其所賜實封五百戶嫡子正員三品官諸子授正員五品
官委中書門下卽準元勅處分應諸道諸軍將士有身死
王事百委本道本使具名銜聞奏卽與哀贈仍以在身官
爵其子孫内外文武官及諸親諸色人等有橫遭逆賊
殺害者各聽其家人親識人於所司陳牒勘實聞奏亦與
追贈如跡著忠烈眾所明知仍訪其子孫量加優恤尚齒

養老王風之首三代制理未或遺年朕將遵古典以興化
本人心而教孝用優秩賜式慰里閭京兆府耆壽年八十
已上並與版授刺史仍賜紫八十已下及諸州府耆壽年
八十已上並與版授本縣令仍賜緋天下侍老者耆壽亦各
與版授官如年九十已上者州縣長吏歲時躬親省問貧
弱不能自存者量賜粟帛頃屬多難人流俗弊加之以師
旅因之以饑饉賦役繁起農桑失時哀我瘁人汔可小息
然以國計猶歎軍實靡充未盡復除良增愧悼應天下建
中四年年終已前所有諸色逋欠在百姓復內者一切放

免百司及諸軍諸使舉放利錢今年六月已前百姓欠負未納者亦並停徵。兆府百姓普恩之外給復一年其供頓官吏委京兆尹類例具名銜聞奏量與優獎古者計戶以署吏因時而建職既不乏事亦無冗員今田畝汙萊版圖凋耗齊人編戶託庇官曹貪吏猾胥誘爲囊橐啟奸隳業爲害尤深應在京百司色役人及流外等委御史大夫卽與諸司使長官審詳商議據見所掌事之閑劇定額聞奏仍校名送中書門下務從減省副朕憂人以後應須署置並定名先奏仍永爲常式今年正月一日赦書節日有

所未行者所司並舉而行之赦書或有不該卽比類條件
聞奏敢以赦前事相言告者以其罪罪之亡命山澤挾藏
軍器百日不首復罪如初赦書日行五百里布告遐邇咸
使聞知